



CAPUT I.

DE

LEGE AMORTIZATIONIS IN GENERE.



§. I.



Barbara vox AMORTIZATIO notante SCHWEDERO (*a*); nec non BOEHMERO (*b*), deducta videtur à Gallica voce : AMORTIR (*c*), quod significat extinguere. Nam cum ecclesia, civitas, collegium, vel quodcunque corpus sive ecclesiasticum; sive seculare, bona, quæ semel accipit, non reddat, sed perpetuò teneat, bona in ecclesiam, vel istiusmodi corpus delata videntur esse extincta, & civiliter mortua, quippe cum generaliter oneribus, fundorum possessionibus impositis, hæc immunia, & seculari jurisdictione exempta existant (*d*).

(*a*) *Disputar. Tom. II. Disp. XXXIX. Cap. V. §. I.*

(*b*) *Jur. Paroch. Sect. V. Cap. I. §. 23. Idem in Animadverson. ad Claudii Fleury Institut. Juris Ecclesiast. Part. II. Cap. XII. §. 5. lit. 6. inde concludit, jus amortizationis, ut vel ipsa denominatio indigitat, primum in Galliâ natum, & ad*

alia quoque regna, provinciasque traductum esse, Interim CHOPPINUS *de sacra Politia Lib. III. Tit. I. Num. 8.* refert ex priscais tabulis sequens diploma :

„ Richardus Dei gratia Rex Anglorum, Dux Normaniæ, Aquitaniæ, Comes
 „ Andegaviæ, Archiepiscopis, Abbatibus, Comitibus, Vicecomitibus, Baronibus,
 „ Seneschalibus, Præpositis, Justitiariis, & omnibus Baillivis, & ministris fide-
 „ libus nostris salutem. Sciatis, nos dedisse & concessisse, & præsentî char-
 „ tæ confirmasse Abbatîæ de Oratorio, quæ à prædecessoribus nostris fundata est,
 „ ipsum locum liberum, quietum, & immunem; ita, quòd nullus aliquam
 „ consuetudinem omnino in illo loco quærere vel extorquere præsumat. Conce-
 „ dimus ergò Monachis ibidem Deo fervientibus, damus & confirmamus gare-
 „ nam nostram quæ circa Abbatiam est, sicut fossis undique clausa est, infra
 „ quam nullus ligna incidere, vel animalia sua ibi in pastum adducere sine permif-
 „ sione Abbatis & monachorum præsumat. Concedimus etiam eis & damus per
 „ omnes forestas nostras Andegaviæ, Turoniæ, & Cœnomaniæ omnia necessaria
 „ sua ad pastus pecorum, & animalium, ad ædificationem domorum, ad cætera
 „ quæ opus sunt, in omnibus locis, ubi necesse habuerint. Concedimus etiam
 „ eis, & confirmamus Grangiam de Landogis, &c. Etiam medietarias &c. Has
 „ omnes eleemosynas & possessiones, quæ prædictæ Ecclesiæ ex dono antecesso-
 „ rum meorum, vel ex dono quorumlibet hominum datæ sunt, liberè & quietè
 „ in perpetuum habendas & possidendas concedimus & confirmamus. Et in ma-
 „ nu & custodia & protectione nostrâ ponimus, & custodiri & defendi, sicut
 „ res nostras dominicas firmiter præcipimus. Nec non & duos hospites adhospi-
 „ tandos Monachos, unum Andegaviæ, alterum Cœnomaniæ, quos ex dono
 „ Antecessorum meorum possident liberos & quietos ab omni servitio, tailleya,
 „ & exercitu, eis concedimus & confirmamus. „

(c) Latine, sed barbarè ADMORTIFICARE, AMORTIZARE, AMORTIRE.
 Apud DUFRESNE in *Glossario Voc.* ADMORTIFICARE, vel ADMORTARE.
 Apud CARPENTIER in *Glossar. Novo Voc.* ADMORTARE, & AMORTARE.

(d) PECK *Tract. de Amortizar. Bonor. Cap. VI. num. 2.* qui extat *Oper. Omn.*
 p. 440. Antwerpia MDCLXXIX. BOEHMER *cit. Cap. I. §. 24.* & SCHEIDE-
 MANTEL *Repert. Voc. Amortization §. 1.*

§. II.

Amortizatio quondam non aliud erat, quàm indulgentia, five licentia acquirendi, & retinendi bona immobilia per manus mortuas (a). De hac antecessor, seu professor meus post obitum adhuc colendus PHILIPPUS FRIDERICH (b) ita philosophatur: „ Si lex amortizatio-
„ nis idem sonet, quod privilegium Ecclesiis à Principe concessum,
„ ut acquirere valeant fundos & immobilia venditione, testamento,
„ legato &c. non est, cur se opponant Canonistæ cum Theologis, qui
„ omni conatu hanc legem tuentur, & una cum jure civitatis hoc pri-
„ vilegium in Ecclesias transfusum volunt, ut adeo novo consensu.
„ nova facultate Principis ad id genus venditionum &c. opus non sit.

(a) SCHWEDER *cir.* §. 1. ESPEN *Jur. Ecclesiast. Univ. Part. I. Tit. XXIX. Cap. III. num. 25.* SCHOTTELNIUS *de singularibus quibusdam & antiquis in Germania Juribus Cap. II. §. 18.* HELLFELD *Repertor. Voc. AMORTIZATIO §. 1. & Dictionnaire universel des Sciences Tom. IV. Voc. AMORTISSEMENT.*

(b) *In Dissertat. De eo, quod justum est circa amortizationem §. 2.* apud C. D. SCHMIDT *Thef. Jur. Ecclesiast. Tom. V. pag. 689.*

§. III.

Dividitur in generalem, & specialem. Generalis comprehendit omnia bona immobilia, quæ manus mortua, seu corpus vel jam tum adquisivit, vel & imposterum acquireret. Specialis singula prædia, & possessiones, quarum amortizatio petitur, singulatim exprimit. Prioris exemplum suppeditat LUDOVICI diploma anno DCCCXLIX. datum, cujus pars habet (a): „ Deprecatus est clementiam nostram Rorius
„ Episcopus, ut suam sedem sub nostram defensionem susciperemus.
„ Cui obsecuti hoc nostræ immunitatis præceptum fieri jussimus. Quo
„ cavemus, ne quis Comes Gastaldius, vel judex, seu quilibet reip.
„ minister vel quispiam ex judiciaria potestate in ecclesiis Xenodochiis,
„ loca,

„ loca, agros, possessiones memoratæ Ecclesiæ, quas nunc in quibus-
 „ libet pagis, ac territoriis intra ditionem Imperii nostri justè, ac lega-
 „ liter possidet, vel ea, quæ deinceps in jure ipsius sancti loci voluerit
 „ divina pietas augeri, ad causas cujusvis judicium more audiendas,
 „ aut freda exigenda, aut mansiones, vel paratas faciendas, aut fidei-
 „ jussiones tollendas, aut homines ipsius sedis tam ingenuos, quàm
 „ & servos distringendos, nec ullas redditiones, aut illicitas occasio-
 „ nes requirendas, ullo unquam tempore ingredi audeat, aut ea, quæ
 „ supra memorata sunt, penitus exigere præsumat, sed liceat memorato
 „ Episcopo, ejusque successoribus res prædictæ ecclesiæ cum ecclesiis
 „ baptismalibus, oratoriis, Xenodochiis cum omnibus rebus, & ho-
 „ minibus ad eam justè, & legaliter aspicientibus quietè vivere & resi-
 „ dere. Datum VI. Idus Februarias anno Christo propitio Imperii Do-
 „ mini Lotharii pii Imperatoris XXVI. & Ludovici gloriosissimi Augu-
 „ sti in Italiâ VI. Indictione XII. in Palatio regio. „ Posterioris speci-
 „ men exhibent LUDOVICI tabulæ tenoris (b): „ In nomine sanctæ &
 „ individuæ Trinitatis Amen. Ego Ludovicus Dei gratia Francorum
 „ Rex. Ne pax Ecclesiarum aliquatenus turbetur, conventiones bonæ
 „ fidei ante nos factas, quæ ad ipsas Ecclesias spectant, de Regiæ man-
 „ suetudinis officio illæfas omnino volumus conservari. Quoniam Bau-
 „ cendus de Herciaco omnia, quæ habebat in territorio Villæ S. Ma-
 „ glory, quæ dicitur villaris, Ecclesiæ prædictæ in elemosynam con-
 „ cessit: Reliquam verò partem, quam habebat de patrimonio, ven-
 „ didit eidem Ecclesiæ sexaginta quinque libris. Item Petrus de Curre-
 „ rico de cujus feodo Baucendus totum tenebat ipsum feodum, qui
 „ vulgo feodus militum dicitur, Ecclesiæ S. Maglory possidendum
 „ concessit in perpetuum, nos totum illud investivimus, atque haben-
 „ dum Ecclesiæ concessimus. Anno 1168. Regni nostri 32. „

(a) Apud SIGONIUM *Histor. de Regno Italiae Lib. V. pag. 121.* Hanoviae MDCXIII.

(b) Apud CHOPPINUM *de sacra Politia Lib. III. Tit. I. num. 4.* Conferatur idem
CHOPPINUS *de Domatio Francia Lib. I. Tit. 13. num. 7.*

§. IV.

Cum dein hujusmodi amortizationes, quas immunitas, sive, ut seculo nono, & sequentibus, dicebatur, emunitas ab omni publicarum functionum jugo comitabatur, ita ut teste BIGNONIO (a) pleraque cœnobiorum tabularia hanc immunitatem amortizationis nomine inscriberent, continuò magis, & quidem non sine gravamine Principum, dominorum loci, ac plurium laicorum increbescerent, eò quod bona ad ecclesiam, aliàsque manus mortuas devoluta eximerentur à variis oneribus, quibus respublica sublevari, & Principis ærarium constari, & dominis loci succurri debet; introductum fuit, ut non dispensaretur, nisi prius domino indemnitas, principique amortizationis jus præstitum esset, id quod CLAUDIUS FLEURY (b) hisce exponit : „ L'Indemnité „ est une composition, que l'on fait avec le Seigneur, de lui payer „ unefois une certaine somme, pour le dédommager à-peu-près des „ droits de rélieff, ou des lots & ventes, qu'il auroit droit d'espérer à l'a- „ venir. Ou bien, pour faire qu'il les conserve en effet; la Communauté „ ecclésiastique lui donne un homme vivant & mourant; c'est-à-dire „ un particulier, à la mort duquel on paye les droits dûs aux muta- „ tions, & à qui on en substitue aussi-tôt un autre. L'Amortissement „ se paye au Roi, pour le récompenser de ce que l'héritage tombe en „ main morte. Car en cette matière on appelle les Ecclésiastiques gens „ de main-morte, parcequ'ils ne contribuënt pas, comme le peuple, „ aux charges de l'Etat. Si l'héritage n'a point été amorti, les déten- „ teurs sont sujets à la taxe des nouveaux acquêts, qui se renouvelle „ de temps en temps, comme une peine d'avoir aquis de nouveaux „ contre les Loix du Royaume. „

- (a) *In Noris ad Marcullum Lib. I. Cap. 3. voc. EMUNITAS REGIA. apud BALUZIUM Capitular. Tom. II. pag. 596. Venetiis MDCCLXXII.*
 (b) *Institut. au Droit Ecclésiast. Tom. I. Parr. II. Chap. 12. pag. 261.*

§. V.

Verum posterioribus seculis nec sic rei satis prospectum, sed fortior medicina necessaria videbatur. Hinc civitas Ulmenis ab Imperatore ALBERTO I. petiit, atque obtinuit privilegium tenoris (a): Wir Kullberecht von Gottes Gnaden, Römischer König zu allen Zeiten Weh- rer des Reichs, entpichten allen des heiligen Römischen Reichs getreuen, die diesen Brieff ansehen werden, unsere Gnad und alles Guts. wir wol- len, ordnen und kunden, mit lautung diß Brieffs, daß alle Guter, die gelegen seyn, in dem Zehenden, und Gericht der Stat Blme, die von alters her gewöhnlich Dienst und Steuern gegeben hand, daß auch die nun fürbas hin Dienst und Steuer geben, und gebunden seyn ze geben, sie fallen gaislich leut an oder ander, wer die sind. Wer also, daß erwan in ainen geistlichen Orden füre, oder sein Mann, oder Freund und seine Gütther, also verschieff oder zusügte, ainen semlichen Orden durch des Willens, daß er also in den Orden gefaren wäre, oder durch gels wille., so sollen dieselben Gütther im Jahresfrist darnach den Bürgern zu Blme fail geboten werden, also daß wir und das Reich der Steuer von demselben Güttern nicht beraubt werden, sondern wäre das dahin Bürger oder Bür- gerin wär, der oder die wären von den benannten Güttern geistlichen leuten, oder Flecken durch Ir seel. Hails, und Glücks willen ichtit verschieffen, dieselben Gut sollen auch den vorgeschriebnen Bürgen vail gepoten, vud in zu kauffen gegeben werden. Gesthehe aber das nit, so mag die Gemeinde der Statt zu Blme von unsern Königlichen Gewalt dieselben Guth an sich ziehen, und die innen han, als ander Ir eigen Guth, darzu legen, und wollen wir och, wäre das da gut, die inzo außerthalb der Steuer gelegen

ind

sind, in die Steure kommen, von Erbs, von Kauffens wegen oder sonst von Ordnung wegen, das auch die den die Steuer ewiglich geben sollen, als andere Güter, und des zu einer redlichen Zeugnis und Sicherheit haben wir diesem Brieff haisen geschrieben werden, und versorgen, mit unser Majestät Insiegel, der geben ward zu Zürich, da man zahlt von Christus Gepurt dreyzehnhundert in der dreyzehnten indiction, unseres Reichs in dem andern Jahre.

(a) Apud LUNIG Reichs-Archiv Part. Spec. Continuar. IV. Th. II. pag. 561. & de MOSER Staats-Recht. Th. IV. Buch II. Cap. 48. §. 3.

§. VI.

Idem quoque Imperator ALBERTUS I. Augustæ Vindelicorum concessit privilegium sonans (a): „Albertus Dei gratia Romanorum Rex, „semper Augustus, universis Sacri Romani Imperii fidelibus, præ- „sentes litteras inspecturis gratiam suam, & omne bonum. Volumus, „statuimus, & tenore præsentium declaramus, quod omnia Bona sita „in Decimis & Judicio Civitatis Augustensis, quæ ab antiquo exa- „ctiones & decimas solvere consueverunt, sive ad religiosos, sive ad „quoscunque alios devolvantur, adhuc, ut antea, exactiones & Stur- „ras debent & tenentur persolvere, devolutione hujusmodi non ob- „stante. Si verò aliquis Religionem, seu Ordinem ingreditur, aut sui „heredes, aut amici, & bona sua propter ingressum Ordinis, aut „alias propter Deum ipsi Ordini conferat, & assignet, illa bona infra „unius anni spatium debent venditioni Civibus Augustensibus exhiberi „pariter & exponi. Ita quod nos, & Imperium Sturæ nostrorum bo- „norum aliquatenus non fraudemur. præterea si aliquis Civis cujus- „cunque sexûs, seu condicionis de predictis bonis, locis religiosis „aliqua pro anime sue remedio deputeret, illa similiter infra anni spa- „cium,

„ cium, debet vendicioni exponere, & vendere Civibus prenotatis.
 „ Sed si non fecerit, Communitas Civitatis Augustensis autoritate no-
 „ stra Regia bona hujusmodi sibi attrahat & teneat tanquam sua. Addi-
 „ cimus insuper, quod si bona nunc extra Sturam existentia ad Sturam
 „ hereditatis, seu vendicionis, aut alienationis titulô devolvuntur, illa
 „ bona sicut alia Sturam perpetuo solvere tenebuntur. In premissorum
 „ testimonium evidens & cautelam prefens Scriptum exinde conscribi,
 „ & majestatis nostre Sigillo jussimus communiri. Dat. in Ulma XVI.
 „ Aprilis Indictione quarta anno Domini Millesimo trecentesimo sexto,
 „ Regni verò nostri anno octavo.

(a) Apud LUNIG *cit. Continuât. IV. Th. I. pag. 90. Num. VI. & de MOSER*
cit. Cap. 48. §. 4.

§. IV.

Similiter ab Imperatore LUDOVICO BAVARO civitati Eslingensi datum est sequens privilegium (a): Wir Ludewig von Gottes Gnaden Römischer Cheiser, ze allen Ziten Merer des Reichs, versehen und tun kundt offenbar an diesem Brieff, daß wir den wisen Lüten, dem Bürgermeister, dem Schultheizen, dem Rat und den Bürgern gemeinlichen ze Ezzelingen, unseren lieben getrewen durch Gunst, die wir in tragen, die besonder Gnade getan haben, und tun auch mit diesem Brieff und wellen was gutes die Clöster Mann oder Frowen, und die Laypsaffen an sich fürbaß gewinnen, ez si mit Kauf oder di ihn von Selgerât verschaffet oder gegeben werden, und di uns und dem Reiche vor, eez in ir Gewalt kâm, Stürbar sind gewesen, daß dieselben Clöster und Phaffen bi derselben Stürvr beliben, und fürbaß keiner Freyung geniezzen, noch darauf sprechen, ez sie dann, daß sie ez mit der vorgenannten Bürger Willen haben und niezzen, und darüber ze Urkund geben wir in diesen Brieff, ver-
 gelt

gest mit unserm Kaiserlichen Insigel, der geben zu München, am Sonntag vor Georgii, nach Christes Geburt, druzehenhundert Jar, darnach in dem fünff und vierzigestin Jar, in dem ein und drizzestin Jar unsers Ruchs, und in dem achzehenden dez Ehesfertumes.

(a) Apud LUNIG *cis. Continuar. IV. Th. I. pag. 499. Num. IV. & de MOSER*
cis. Cap. 48. §. 6.

§. VIII.

Quantumlibet medicina hæc fat quidem mederi potuisset, quippe cum tali modo bona immobilia manibus mortuis iterum eripiantur, & tributa, atque onera publica debite persolvantur, nihilominus tamen adhuc alia successit, atque amortizatio tandem in legem prohibitivam degeneravit, quâ cavetur, ne bona immobilia secularia sine consensu Principis in ecclesias, monasteria, capitula, collegia, hospitalia, aliasve manus mortuas (a) quacunque ex causa, vel titulo transferantur (b).

(a) Manus mortuæ quæ & quâ de causa dicantur, PECK *de Amortizat. Bonor. Cap. II.* hisce exponit : „ Tametsi manus mortua varie dicatur, quod ex *Chaf. sanæ ad Tir. des mains mortes* satis liquet; in proposita tamen materia, ecclesiam, civitatem, collegium sive aliquid quodcunque corpus vel ecclesiasticum vel saculare, quod bonorum capax est, manum mortuam vulgò appellamus. Nam sicut semel mortuus denuo non moritur, itaque quoque corpus ejusmodi, etiamsi omnes personæ, ex quibus constat, rebus humanis eximantur, & mutantur, immutatum permanet, *L. proponatur π. de jud. L. sicut §. in decurionib. π. cuiusque quod univers. nomine C. quoniam Abbas, de offic. deleg. Molin. ad §. 41. num. 56.* Mihi quidem sanè visum semper fuit, ideo manum mortuam dici, quod, quemadmodum morientis hominis manus id, quod comprehendit, firmissimè conclusum tenet, neque facile remittit: sic etiam, quicquid ecclesia seu corpus ejusmodi semel acquirit, & in manum, hoc est, in potestatem suam accipit, *ut ad ordin. reg. Tom. I. Tir. de lit. obligast. arr. V. Gloss. s. arr. Rebuff. Non nisi magna cum difficultate & solemnitate, in*

„ commune hominum commercium post deinde remittit, sed accumulando con-
 „ servat.

(b) Laudatus ante FRIDERICH in cit. *Dissertat.* §. II. Def. II. nec non R. P.
 SCHMITT *Institur. Jur. Ecclesiast. Lib. III. Tir. XLVII.* §. 35.

§. IX.

Ocyssimè lex adeò ad palatum fuit, ut appeteretur à pluribus pro-
 vinciis, regionibus, regnisque, quorum elenchum supra laudatus
 SCHWEDERUS (a) confecit, eidemque inseruit: „ Statutum *Julia-*
 „ *ense*, bonorum immobilium alienationem in Eccles. prohibens,
 „ confirmavit Camer. Imper. d. 3. *Octob.* an. 1560. vid. Klock *de*
 „ *Contrib. d. c. 12. num. 89.* Rutg. Ruland *de brachio secul. cap. 73.*
 „ Chr. Befold. in *Disp. de Majest. Eccl. c. 2. num. 4. & 5.*

(a) *Cir. Disp. XXXIX. Cap. II. §. 3. & seqq.* De novioribus ejusmodi legibus,
 statutis, atque ordinationibus conferatur de MOSER *Staats-Recht Th. IV.*
Buch II. Cap. 48. §. 9. & seqq. IDEM *Von denen Kayserlichen Regierungs-*
Rechten Th. I. Cap. 14. §. 31. IDEM *Von der Landeshoheit im Geistlichen*
Buch III. Cap. 6. §. 14.

CAPUT II.

DE

LEGE AMORTIZATIONIS JULIO - BERGENSI

IN SPECIE.

§. I.

Quodnam ergo Statutum Juliacense Camera Imperialis 3. Oct. 1560
 confirmavit? Mediusfidius non Edictum de an, 1478. nuper ab anony-